



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs CXLVII. Laudate Dominum, quoniam bonus est psalmus.

urn:nbn:de:hbz:466:1-44993

Laudate Dominum, quoniam bonus est psalmus.
LAVDVM DIVINARVM LAVDATIO EXIMIA.

Carmen Sapphicum.

- 1 **N**amque I A H psalmis celebrare pulchrum est;
Laude iucundum celebrate nostrum
P R I N C I P E M; laus hæc penitus decora
Grataque constat. 12
- 2 Auctor est I A S, Solymùmque is urbem 13
Condit, & pulsos repetet legetque,
Coget ac iungens perière quotquot
Israëlitum.
- 3 Ille contractis, miseroque ruptis 14
Corde, deiectisque animo medetur,
Ac ligans acres solidat dolores
Tristitiasque his.
- 4 Siderum solus numerum recenset, 15
Singulis nomen proprium vocando;
Singulis vires, propria atque cunctis 16
Munia didit.
- 5 Noster est magnus D O M I N V S, neque impar; 17
Plurima est illi valida atque virtus,
Prouida at quam sit, numerus valebit
Ponere nullus.
- 6 Ampliatque I A S cumulatque mites; 18
Improbos idem penitus repulsos
Deicit, terram redigitque ad ipsam
Vsque ruenteis.
- 7 Inuicem cantu memorate grato, 19
Publico atque, I A M celebrem professi:
P R I N C I P I nostro resonetque vestris
Gloria psalmis.
- 8 Nubibus cælum tegit ille densis, 20
Is parat terræ pluuiam feraci,
Ille foecundat viridi supinos
Gramine montes.
- 9 Belluis escas varias dat, atri &
Filiis corui, his vbi cura matrum
Negligens voces mouet, & rogare
Cogit anhelos.
- 10 Ille equi non vim validam requirit,
Non amans curat solidè viriles
- 11 Tibias : se vult, fouet ac, timentes
Curat & I A S: Illius

Illius qui cum didicere votis
 Omnibus sanctum, placidum, benignum
 Numen & fidi & solido manentes
 Pectore poscunt.

12 Prædica vrbs IAM Solymûm, tuumque
 PRINCIPEM laudans celebra Sione,
 Quod tuis veçtes foribus valenti
 Robore firmat.

13 Prosper & natos sobolem tuamque
 Euehit, magnis cumulatque donis;
 Quos tui muri cumulant, tua & quos
 Mœnia claudunt.

14 Limitem, pacem & requiem beatam
 Is tuum figit, statuitque; pingui
 Tritici ac multa varij medulla
 Te saturabit.

15 Legat vt terræ proprium ipse dictum,
 Currit illius properatque verbum;

16 Et niuem vt lanam, glaciemque, sparsuram
 Vt cinerem, dat.

17 Et suum frustis simile at minutis
 Is gelu canens iacit: heu feret quis
 Illius durum, stabili aut manebit
 Pectore frigus?

18 Mittet vt verbum proprium, liquefcent
 Flante subtili, tenuique vento
 Defluent lymphæ, cadet atque vinclis
 Stilla solutis.

19 Indicat verbum proprium, refertque
 Ipse Iacob quæ statuit, sua atque
 Iura delecto populo piisque
 Israelitis.

20 Fecit haud omni simile ipse genti, haud
 Quippe nouerunt ea quæ feruntur
 Iura mirandis celebranda semper
 Consiliis IAH.

PSAL. CXLVIII.

Laudate Dominum de cælis.

CAELESTIS GRATIAE SIGNIFI-
 CATIO ADMIRABILIS.

1 Haleluiah. *Carmen Dicolon Distrophon.*

Pincipium laudis de cælis ducite, & IAM
 In templis laudate supernis.